



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

XXXVII. Dementiae reus à tribus filiis.

urn:nbn:de:hbz:466:1-12889

XXXVII.

Dementia reus à tribus filiis.

Ex tribus filiis duo patrem dementiae accusaverunt: & superati secundum legem puniti sunt. Tertius instituit accusare. Reddit pater causam mortis voluntariae. Filius contradicit.

PRO PATRE.

¹ Quid? tam potest esse adversum me jus? hic ab eo mors impeditur, cujus in altero iudicio vita reprehenditur? In illis, P. C. iudiciis gravior mihi fuit vindicta, quam poena. Mors à vobis dabitur, sive dementi remedium, sive sapienti solatium. Natura mihi tres liberos dedit: fortunaque duos sustulit: videturne vobis iusta causa esse moriendi? imo jam fera.

XXXVIII.

Fortis viri filius tyranno deditus.

Absentis viri fortis filium tyrannus petit sibi dedi, denuncians bellum. Accepit. ² Regresso eo suadetur bellum tyranno indici. vir fortis contradicit.

PRO FORTI.

Profitetur me filium nec desiderare, nec habere. Nescio, an hoc bellum fuerit in tempore suo iustum, nunc certe coepit esse iam serum. At enim filius viri fortis est. quid? ³ hoc non erat, cum dabatur? O fili! si tamen hoc nomen, quod natura dedit, fortuna non abstulit, agnosce te filium viri fortis. Vince feliciter, id est, peri fortiter. Hæc est enim jam tua sola victoria.

XXXIX.

¹ Quid? tam potest esse adversum me jus?] Fortasse: Quid tam potest esse adversum? Eius hoc ab eo mors impeditur, cujus in altero iudicio vita reprehenditur. Suam ipsius intelligit à filio. Alterum iudicium dementiae est. Gronov.

² Regresso eo suadetur bellum.] Lege: Egresso. nempe ex urbe, quem petebat tyrannus. Idem.

³ Hoc non erat, cum dabatur.] Forte, dedebatur. Idem.